

Izvještaj o radu Uprave policije MUP-a Kantona Sarajevo za period januar-mart 2022. godine

KRIMINALITET

STATISTIČKI POKAZATELJI

U periodu januar - mart 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 955 događaja sa obilježjem krivičnog djela što je za 224 ili 19% manje u odnosu na period januar – mart 2021. godine.

Od ukupnog broja registrovanih događaja sa obilježjem krivičnog djela, 455 ili 47,6% je evidentirano po poznatom izvršiocu, a 500 ili 52,4% po nepoznatom izvršiocu.

Od 500 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 144 ili 28,8% što je za 8,2% više u odnosu na uporedni period.

U izvještajnom periodu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 622 obavijesti (204 manje) o događajima u kojima je pričinjena neznatna materijalna šteta¹ od kojih su za deset naknadno identifikovani osumnjičeni izvršiocu i prosljeđeni službeni izvještaji nadležnom tužilaštvu (deset manje).

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U PERIODU JANUAR- MART 2022/21. GODINE

period	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
JANUAR -MART 2022. GODINE	955	455	500	144	116	554	13	319	193	
JANUAR -MART 2021. GODINE	1.179	563	616	127	84	666	25	396	228	
uporedba	+/-	-224	-108	-116	17	32	-112	-12	-77	-35
	%	-19%	-19,2%	-18,8%	13,4%	38,1%	-16,8%	-48%	-19,4%	-15,4%

U prva tri mjeseca ove godine prijavljena su 554 lica (112 manje), među njima je 319 povratnika (77 manje) (ili 57,6% od ukupnog broja prijavljenih lica), 13 maloljetnika (12 manje), a 193 lica su lišena slobode (35 manje).

Za događaje sa obilježjem krivičnog djela, koji su evidentirani u izvještajnom periodu, prema izjavama oštećenih lica, nastupila je materijalna šteta u ukupnom iznosu od 2.050.659,59 KM i 33.200 € (u istom periodu prethodne godine nastala materijalna šteta iznosila je 1.798.776,34 KM i 300 €).

PREGLED DOGAĐAJA SA OBILJEŽJEM KRIVIČNOG DJELA U PERIODU JANUAR - MART 2022/21. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	JANUAR - MART 2022. GODINE	JANUAR -MART 2021. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	1	0	1	---	1	0	0	---
Protiv života i tijela	66	62	4	6,5%	57	9	6	66,7%
Protiv slobode i prava čovjeka i građanina	60	68	-8	-11,8%	56	4	1	25%
Protiv spolne slobode i morala	1	7	-6	-85,7%	1	0	0	---
Protiv braka, porodice i mladeži	56	55	1	1,8%	56	0	0	---
Protiv zdravlja ljudi	73	113	-40	-35,4%	73	0	0	---
Protiv privrede, posl. i sigur. platnog prom.	0	3	-3	----	0	0	0	--
Protiv imovine	588	737	-149	-20,2%	118	470	132	28,1%
Protiv okoliša, poljop. i prirodnih dobara	2	0	2	---	1	1	0	0%
Protiv opće sigurnosti ljudi i imovine	23	31	-8	-25,8%	11	12	2	16,7%
Protiv sigurnosti javnog prometa	30	23	7	30,4%	30	0	0	---
Protiv pravosuđa	6	7	-1	-14,3%	5	1	3	300%
Protiv javnog reda i pravnog prometa	29	50	-21	-42%	26	3	0	0%
Protiv podmičivanja i krivična djela protiv.	8	13	-5	-38,5%	8	0	0	---
Protiv sistema elektron. obrade podataka	0	1	-1	----	0	0	0	---
Protiv čovječnosti i vrijed. zaštić.(KZ BiH)	0	0	0	---	0	0	0	---
ZONDINOIM-a (Sl.novine KS br.01/18)	12	9	3	33,3%	12	0	0	---
UKUPNO	955	1.179	-224	-19%	455	500	144	28,8%

U periodu januar - mart 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 224 ili 19%. Smanjenje je zabilježeno u oblastima protiv imovine (za 149 događaja), zdravlja ljudi (za 40), javnog reda i pravnog prometa (za 21), slobode i prava čovjeka i građanina (za osam), spolne slobode i morala (za šest), itd., dok je najznačajnije povećanje evidentirano u oblasti protiv sigurnosti javnog prometa (za sedam događaja).

U prvom tromjesečju 2022. godine za 336 službenih izvještaja, od strane Kantonalnog tužilaštva, donesena je naredba o obustavi i neprovođenju istrage (165 ili 96,5% više u odnosu na uporedni period).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U periodu januar - mart 2022. godine evidentirano je 66 događaja sa obilježjem krivičnog djela iz oblasti protiv života i tijela (četiri više u odnosu na uporedni period) i to 57 po poznatom i devet po nepoznatom izvršiocu. Evidentirani su sljedeći događaji:

- ubistvo (član 166. KZ FBiH) - dva (jedan više događaj),
- ubistvo u pokušaju (član 166. KZ FBiH u vezi člana 28.) - četiri (dva manje),
- teška tjelesna ozljeda (član 172. KZ FBiH) – 16 (sedam manje) i
- lahka tjelesna ozljeda (član 173. KZ FBiH) – 44 događaja (14 više).

Nadležnom tužilaštvu podneseni su službeni izvještaji protiv 75 lica (osam više), od koji su 34 povratnika ili 45,3%, a 19 je lišeno slobode (osam više).

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 60 događaja sa obilježjem krivičnog djela (osam manje) i to: ugrožavanje sigurnosti – 58 i protupravno lišenje slobode – dva događaja, za čije je izvršenje evidentirano 56 lica, od kojih je 27 povratnika (ili 48,2%), a 11 je lišeno slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA
UGROŽAVANJE SIGURNOSTI IZ ČLANA 183. KZ FBiH-a PO MJESECIMA U PERIODU JANUAR – MART 2022/21. GODINE

UGROŽAVANJE SIGURNOSTI (ČLAN 183. KZ FBiH-a)	JANUAR	FEBRUAR	MART	JANUAR – MART 2022/21. GODINE
JANUAR – MART 2022. GODINA	24	17	17	58
JANUAR – MART 2021. GODINA	23	19	23	65
<i>UPOREDBA</i>	+, -	1	-2	-6
	%	4,3%	-10,5%	-26,1%
				-7
				-10,8%

PROTIV BRAKA, PORODICE I MLADEŽI

Iz oblasti protiv braka, porodice i mladeži evidentirano je 56 događaja sa obilježjem krivičnog djela (jedan više) i to: nasilje u porodici - 53, izbjegavanje izdržavanja – dva i zapuštanje ili zlostavljanje djeteta ili maloljetnika – jedan događaj za čije izvršenje je prijavljeno 56 lica, od kojih je 31 povratnik (ili 55,4%), a 33 lica su lišena slobode.

UPOREDNI POKAZATELJI BROJA REGISTROVANIH DOGAĐAJA SA OBILJEŽJEM KRIVIČNOG DJELA
NASILJA U PORODICI IZ ČLANA 222. KZ FBiH-a PO MJESECIMA U PERIODU JANUAR – MART 2022/21. GODINE

NASILJE U PORODICI (ČLAN 222. KZ FBiH-a)	JANUAR	FEBRUAR	MART	JANUAR – MART 2022/21. GODINE
JANUAR – MART 2022. GODINA	17	15	21	53
JANUAR – MART 2021. GODINA	16	12	23	51
<i>UPOREDBA</i>	+, -	1	3	-2
	%	6,3%	25,0%	-8,7%
				2
				3,9%

PROTIV ZDRAVLJA LJUDI

Evidentirana su 73 događaja sa obilježjem krivičnog djela iz oblasti protiv zdravlja ljudi (40 manje) i to:

- Neovlašćena proizvodnja i stavljanje u promet opojnih droga (čl. 238. KZ FBiH) – 16 i
- Posjedovanje i omogućavanje uživanja opojnih droga (čl. 239. KZ FBiH) – 57 događaja.

Nadležnom tužilaštvu podneseni su službeni izvještaji protiv 74 lica, među kojima je 56 povratnika (ili 75,7%), a 31. lice je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv 19 lica zbog postojanja osnova sumnje da su u proteklom periodu proizvodili (uzgajali stabljike „kanabisa“), kupovali opojnu drogu "Marihuana", "Amfetamin", od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 55 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", „Amfetamin“, "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U PERIODU JANUAR - MART 2022/21. GODINE

VRSTA OPOJNE DROGE	JANUAR – MART 2022. GODINE	JANUAR – MART 2021. GOD.
Marihuana (u gramima)	10.433,42	794,45
Marihuana (paketići)	25	51
Heroin (u gramima)	---	69,885
Heroin (paketići)	20	---
Amfetamin (u gramima)	2.087,412	67,276
Amfetamin (paketići)	4	12
Speed (u gramima)	8,895	9.107,883
Speed (paketići)	15	15
Cannabis (stabljike)	131	----
Ecstasy (tablete)	28	---
pribor sa ostacima droge (kom.)	28	2

PROTIV IMOVINE

U izvještajnom periodu, evidentirano je 588 događaja sa obilježjem krivičnog djela protiv imovine (118 po poznatom i 470 po nepoznatom izvršiocu) što je za 149 ili 20,2% manje u odnosu na isti period prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 273 (77 manje),
- krađa (član 286. KZ FBiH) – 152 (40 manje),
- razbojništvo (član 289. KZ FBiH) – 50 (35 manje),
- oštećenje tuđe stvari (član 293. KZ FBiH) – 50 (četiri manje),
- teška krađa u pokušaju (član 287. KZ FBiH u vezi člana 28.) – devet (jedan manje),
- utaja (član 290. KZ FBiH) – 16 (dva više),
- prijevара (član 294. KZ FBiH) - 21 (13 više), itd.

Nadležnom tužilaštvu podneseni su službeni izvještaji protiv 170 lica, od kojih je 119 povratnika (ili 70%), a 64 su lišena slobode.

Od ukupno 470 događaja evidentiranih po nepoznatom izvršiocu iz oblasti protiv imovine naknadno su rasvijetljena 132 ili 28,1% što je za 8,7% više u odnosu na uporedni period 2021. godine.

U prva tri mjeseca ove godine, prema objektima izvršenja teških krađa, 100 je izvršeno u stambene objekte (55 manje u odnosu na uporedni period), 62 u poslovne prostorije (jedna manje), 54 u motorna vozila (otuđenja motornih vozila i “provale” u ista) (37 manje), 26 na ulici (tri više) i u ostalim objektima 31 (13 više).

Takođe, evidentirano je devet otuđenja motornih vozila, dok je u ovom periodu 11 vozila pronađeno i vraćeno vlasnicima (policijski službenici Uprave policije MUP-a KS-a pronašli su i vratili – šest, MUP RS-a – jedno, drugi MUP-ovi – dva i vlasnici – dva vozila).

Broj otuđenih motornih vozila u odnosu na uporedni period značajno je smanjen i to za 19 ili 67,9%.

Evidentirana su 152 događaja sa obilježjem krivičnog djela krađe (40 manje) i to na ulici - 68, u poslovnim prostorima – 33 puta, u vozilima i na stajalištima GRAS-a – 26, u stambenim objektima - 16, itd. odakle su otuđivani novčanici, mobiteli, prehrambeni proizvodi, ogrijevno drvo, metalni profili, bicikli, auto-dijelovi, itd.

Evidentirano je 25 događaja sa obilježjem krivičnog djela teških krađa na naročito opasan ili naročito drzak način (tri više), u kojima su izvršiocu, upotrebom fizičke snage (otimanjem i trganjem) - deset puta i verbalnom prijetnjom u 15 slučajeva, otimali mobitele, novac, nakit i tašne, a evidentirani su: deset puta na ulici, devet u prodavnicama, po dvije u apotekama i stanovima i po jedna u sportskoj kladionci i u tramvaju.

U prvom tromjesečju ove godine evidentirano je 50 događaja (četiri po poznatom i 46 po nepoznatom izvršiocu) sa obilježjem krivičnog djela razbojništva (35 manje) i to na području sljedećih policijskih uprava: III PU – 15 (17 manje), II PU – 11 (četiri manje), V PU - osam (šest manje), IV PU - šest (devet manje), Uprava policije u sjedištu – pet (isto), I PU - tri (jedan više) i VI PU – dva događaja (jedan više).

Nadležnom tužilaštvu podneseni su službeni izvještaji protiv 29 lica, od kojih su 22 povratnika (ili 75,9%), a 16 lica je lišeno slobode.

Od 46 događaja razbojništva evidentiranih po nepoznatom izvršiocu, naknadno je rasvijetljeno 26 ili 56,5% što je za 16% više u odnosu na uporedni period.

BROJ DOGAĐAJA SA OBILJEŽJEM KRIVIČNOG DJELA RAZBOJNIŠTVA (ČLAN 289. KZFBiH-a) U PERIODU JANUAR - MART 2022/21. GODINE

godina/mjesec	januar	februar	mart	UKUPNO
2022. godina	11	17	22	50
2021. godina	31	28	26	85
uporedba	+/-	-20	-11	-4
	%	-64,5%	-39,3%	-15,4%

Razbojništva su izvršena prijetnjom upotrebe vatrenog oružja – 18 puta, prijetnjom upotrebe noža ili drugog oštrog predmeta – 16 i upotrebom fizičke snage – 16 puta, a počinjena su u poslovnim prostorijama – 24 put, na ulici – 13, u apotekama – pet, u sportskim kladionicama – dva, itd. Otuđivan je novac, mobiteli, cigarete, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirana su 23 događaja (osam manje) i to: izazivanje opće opasnosti – 17, teška krivična djela protiv opće sigurnosti ljudi i imovine – četiri, nesavjesno čuvanje pasa i drugih opasnih životinja i izazivanje opće opasnosti u pokušaju – po jedan događaj. Nadležnom tužilaštvu podneseni službeni izvještaji protiv sedam lica, od kojih je pet povratnika (ili 71,4%), a pet je lišeno slobode.

Događaji sa obilježjem krivičnog djela izazivanje opće opasnosti evidentirani su na otvorenom prostoru 14 puta, u ugostiteljskom objektu – dva i u stanu - jedan, pri čemu je u pet slučajeva bačena nepoznata eksplozivna naprava, 10 puta je otvorenim plamenom izazvan je požar i u dva slučajeva pucano je iz vatrenog oružja. Posljedica navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 29 događaja sa obilježjem krivičnog djela (21 manje) i to: nasilničko ponašanje – 16, nedozvoljeno držanje oružja ili eksplozivnih materija – sedam, napad na službenu osobu u vršenju poslova sigurnosti i krivotvorenje isprave – dva, samovlašće i lažno predstavljanje – po jedan događaj.

Nadležnom tužilaštvu podneseni su službeni izvještaji protiv 36 lica od kojih su 17 povratnika (ili 47,2%), a pet je lišeno slobode.

DOGAĐAJI SA OBILJEŽJEM KRIVIČNOG DJELA REGULISANI ZONDINOIM-om

U periodu januar-mart 2022. godini evidentirano je 12 događaja (tri više) regulisanih Zakonom o nabavljanju, držanju i nošenju oružja i municije Kantona Sarajevo i nadležnom tužilaštvu su podneseni službeni izvještaji protiv 13 lica.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U periodu januar-mart 2022. godine evidentirano je 15 događaja sa obilježjem krivičnog djela, u kojima je učestvovalo 13 maloljetnih lica. U odnosu na isti period 2021. godine smanjen je broj maloljetnih lica za 12 ili 48%, a broj događaja sa obilježjem krivičnog djela za 15 ili 50%.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR - MART 2022/2021. GODINE

period	Broj događaja sa obilježjem krivičnog djela	Broj evidentiranih maloljetnih lica
JANUAR - MART 2022. GODINE	15	13
JANUAR - MART 2021. GODINE	30	25
<i>uporedba</i>	<i>-15 ili 50%</i>	<i>-12 ili 48%</i>

Među prijavljenim maloljetnim licima, šest je u dobi do 16 godina i sedam u dobi između 16 i 18 godina, a povratnika je pet.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U PERIODU JANUAR- MART 2022/2021. GODINE

događaji sa obilježjem krivičnog djela (KZ FBiH)	januar-mart 2022.	januar-mart 2021.
Ubistvo u saučiniteljstvu	---	1
Ubistvo	1	---
Teška tjelesna ozljeda	2	3
Lahka tjelesna ozljeda	6	5
Ugrožavanje sigurnosti	---	2
Nasilje u porodici	1	1
Nepostupanje po zdravstvenim propisima za vrijeme epidemije	---	1
Neovlaštena proizvodnja i stavljanje u promet opojnih droga	---	1
Posjedovanje i omogućavanje uživanja opojnih droga	---	3
Teška krađa	---	1
Razbojništvo	1	3
Teška krivična djela protiv opće sigurnosti ljudi i imovine	1	---
Udruživanje radi činjenja krivičnih djela	2	---
Oštećenje tuđe stvari	---	2
Teška krivična djela protiv sigurnosti javnog prometa	---	1
Neukazivanje pomoći osobi ozlijeđenoj u prometnoj nezgodi	---	1
Nasilničko ponašanje	1	3
Napad na službenu osobu u vršenju poslova sigurnosti	---	1
ZOONDINOIM	---	1
UKUPNO	15	30

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu januar - mart 2022. godine na području Kantona Sarajevo evidentirano je sedam događaja aktiviranja minsko-eksplozivnih sredstava (pet u istom periodu 2021. godine) usljed čega je nastupila materijalna šteta. Preduzimaju se aktivnosti na rasvjetljavanju ovih događaja i pronalaženju učinilaca.

Evidentirane su 24 anonimne dojave o postavljenoj eksplozivnoj napravi (jedna u periodu januar - mart 2021. godine), a odnosile su se većinom na Policijske stanice Uprave policije MUP-a KS. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih događaja i pronalaženju učinioaca.

POŽARI

U periodu januar- mart 2022. na području Kantona Sarajevo registrovano je 65 požara (sedam više) u kojima su dva lica poginula, a četiri lica povrijeđena.

Prema statističkim pokazateljima 13 požara je izazvano namjerno, osam zbog tehničkih nedostataka, sedam nehatom, dok uzroci 37 požara spadaju u kategoriju ostalih.

Požari su evidentirani u:

- Stambenom objektu - 18 puta,
- Saobraćajnom sredstvu - 16 puta,
- Poslovnom prostoru - tri,
- Pomoćnom objektu - dva,
- Šumi - dva,
- Ostalim objektima - 24 puta.

Zbog izazivanja požara nadležnom tužilaštvu podneseno je 12 službenih izvještaja: 10 iz člana 323 KZ FBiH (izazivanje opće opasnosti) i dva iz člana 301 KZ FBiH (paljevina).

SAMOUBISTVA

U prva tri mjeseca 2022. godine na području Kantona Sarajevo registrovano je 10 samoubistava (jedno više), koja su izvršena: vješanjem - šest puta, upotrebom vatrenog oružja, upotrebom oštrog predmeta, trovanjem i skakanjem sa visine - po jednom.

Samoubistva su izvršena na području općina: Centar, Novo Sarajevo i Novi Grad - po dva, Stari Grad, Ilidža, Hadžići i Ilijaš - po jedno samoubistvo.

Svi izvršioци samoubistava su muškaraci starosne dobi: preko 50 godina - sedam lica, od 25 do 30 godina - dva lica i od 40 do 50 godina - jedno lice.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su četiri puške, 26 pištolja, tri ručne bombe, pet noževa, dva boksera, 480 kom. municije raznog kalibra, itd.

U periodu januar - mart ove godine fizičkim licima izdato je 539 odobrenja za nabavku vatrenog oružja i 475 oružnih listova.

JAVNI RED I MIR

U periodu januar - mart 2022. godine u oblasti protiv javnog reda i mira evidentirana su 952 prekršaja (2.862 ili 75% manje u odnosu na isti period 2021. godine), a za izvršenje navedenih prekršaja prijavljeno je 1.038 lica (2.812 ili 73% manje).

Zbog učinjenih prekršaja u oblasti protiv javnog reda i mira izdato je 764 naloga i podneseno je 188 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 894 prekršaja (ili 93,9%), a na prekršaje koji su utvrđeni Odlukom općinskih vijeća o javnom redu i miru 58 (ili 6,1%).

Od ukupnog broja prijavljenih lica, 262 su povratnika u činjenju prekršaja, a prema starosnoj strukturi učinilaca prekršaja, najbrojniji su u dobi preko 36 godina (505), između 26 i 35 godina (379), između 19 i 25 godina (153) i do 18 godina - jedan.

Prilikom narušavanja javnog reda i mira u periodu januar – mart 2022. godine, nije bilo teže povrijeđenih lica (kao u istom periodu 2021. godine), dok je 29 lica (11 više) lakše povrijeđeno.

U periodu januar-mart 2022. godine, smanjen je broj evidentiranih prekršaja iz oblasti javnog reda i mira kod svih organizacionih jedinica Uprave policije, a najveći broj prekršaja evidentiran je na području PS Centar (232 ili 24,4% od ukupnog broja), a najmanje u PS Trnovo – četiri prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA PERIOD JANUAR- MART 2022/2021.GODINA

STRUKTURA PREKRŠAJA	januar-mart 2022.	januar-mart 2021.	+ - %
UKUPNO prekršajnih naloga i zahtjeva za ppp	952	3.814	-2.862 ili 75%
UKUPNO lica	1.038	3.850	-2.812 ili 73%
Prekršaji prema Zakonu o prekršajima protiv JRiM:	894	3.747	-2.853 ili 76,1%
<i>-Tuča</i>	81	54	+27 ili 50%
<i>-Naročito drsko ponašanje</i>	109	79	+30 ili 38%
<i>-Odbijanje naređenja i omalovažavanje pol. služb.</i>	62	388	-326 ili 84%
<i>-Prosjačenje</i>	398	308	+90 ili 29,2%
<i>-Paljenje petardi</i>	9	2	+7 ili 350%
<i>-Uživanje opojne droge na javnom mjestu</i>	31	7	+24 ili 342,8%
<i>-Svađa, vika, nepristojno ponašanje</i>	38	29	+9 ili 31%
<i>-Ostali prekršaji</i>	166	2.880	-2.714 ili 94,2%
Ukupno naloga/ zahtjeva prema Odluci o.v. o JRM	58	67	-9 ili 13,4%

Iz tabelarnog pregleda vidljivo je, da je u periodu januar-mart 2022. godine, u odnosu na januar-mart prethodne godine prema strukturi prekršaja povećan broj sljedećih prekršaja:

- prosjačenje za 90 ili 29,2%,
- naročito drsko ponašanje za 30 ili 38%,
- tuča za 27 ili 50%,
- uživanje opojne droge na javnom mjestu za 24 ili 342,8%,
- svađa, vika, nepristojno ponašanje za devet ili 31%,
- paljenje petardi za sedam ili 350%;

dok je smanjen broj prekršaja:

- ostali prekršaji za 2.714 ili 94,2%,
- odbijanje naređenja i omalovažavanje policijskih službenika za 326 ili 84%,
- prekršaji koji su regulisani Odlukom općinskih vijeća za devet ili 13,4%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (876 ili 92% od ukupnog broja), a znatno manje u ugostiteljskim objektima – 22, u trgovinama i zanatskim radnjama – pet, u školama i školskim dvorištima – tri, sportskim stadionima i dvoranama i u vozilima javnog saobraćaja – po jedan, a na ostalim mjestima 44 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA PERIOD JANUAR – MART 2022/2021. GODINE

MJESTO IZVRŠENJA	januar-mart 2022.	januar-mart 2021.	+ - %
Ulica i drugi otvoreni prostor	876	3.754	-2.878 ili 76,7%
Ugostiteljski objekti	22	12	+10 ili 83,3%
Sportski stadioni i dvorane	1	---	+1
Vozila javnog saobraćaja	1	---	+1
Škole i školska dvorišta	3	---	+3
Trgovinske i zanatske radnje	5	2	+3 ili 150%
Ostala mjesta	44	46	-2 ili 4,3%
UKUPNO	952	3.814	-2.862 ili 75%

U odnosu na isti period 2021. godine, znatno je smanjen broj prekršaja na ulici i drugim otvorenim prostorima za 2.878 ili 76,7%, na ostalim mjestima za dva ili 4,3%, dok je broj prekršaja u ugostiteljskim objektima povećan za 10 ili 83,3%, u trgovinama i zanatskim radnjama za tri, u školama i školskim dvorištima za tri, na sportskim stadionima i dvoranama za jedan i u vozilima javnog saobraćaja za jedan prekršaj.

Na području Kantona Sarajevo u periodu januar-mart 2022. godine održano je 427 javnih skupova (226 ili 112,4% više u odnosu na period 2021. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 97 slučajeva izvršeno je KDZ osiguranje.

SAOBRAĆAJ

U periodu januar-mart 2022. godine, u odnosu na isti period 2021. godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i broja poginulih lica, dok je povećan broj nezgoda sa nastradalim licima i broj povrijeđenih lica.

Registrovano je 1.495 saobraćajnih nezgoda (144 ili 8,8 % manje), od čega su 1.302. sa materijalnom štetom (184 ili 12,4 % manje) i 193 sa nastradalim licima (40 ili 26,1 % više).

U navedenim nezgodama jedno lice je poginulo (pet ili 83,3 % manje), a 244 lica su povrijeđena (67 ili 37,8 % više), od čega 33 teže i 211 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
JANUAR – MART 2022/2021. GODINA

	2022.	2021.	uporedba
UKUPNO SAOBRAĆAJNIH NEZGODA	1.495	1.639	-144 ili 8,8 %
Saobraćajne nezgode sa nastradalim licima	193	153	+ 40 ili 26,1 %
Saobraćajne nezgode sa materijalnom štetom	1.302	1.486	- 184 ili 12,4 %
POGINULO LICA	1	6	- 5 ili 83,3 %
- vozači	0	4	- 4
- putnici	0	1	- 1
- pješaci	1	1	----
POVRIJEĐENO LICA	244	177	+ 67 ili 37,8 %
- vozači	126	89	+ 37 ili 41,6 %
- putnici	76	48	+ 28 ili 58,3 %
- pješaci	42	40	+ 2 ili 5 %

U naselju su registrovane 1.343 saobraćajne nezgode (jedna sa poginulim, 164 sa povrijeđenim licima i 1.178 sa materijalnom štetom), van naselja 152. nezgode (28 sa povrijeđenim licima i 124 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICE NA PODRUČJU KANTONA SARAJEVO
JANUAR- MART 2022. GODINA

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	29	135	1.178	1.343	1	29	171
van naselja		3	25	124	152		4	40
UKUPNO	1	32	160	1.302	1.495	1	33	211

Prema kategoriji puta, saobraćajne nezgode registrovane su:

- na ulicama u naselju - 1.012 nezgoda (jedno lice poginulo, 117 lica povrijeđeno),
- na magistralnim putevima - 167 (63 lica povrijeđena),
- na lokalnim putevima - 144 (26 lica povrijeđeno),
- na regionalnim putevima - 48 (18 lica povrijeđeno),
- na putevima koji se ubrajaju u kategoriju ostalih - 124 (20 lica povrijeđeno).

Prema karakteristikama puta, saobraćajne nezgode registrovane su:

- na raskrscima u naselju - 232. (37 lica povrijeđeno),
- na pješačkim prelazima - 28 (15 lica povrijeđeno),
- na raskrscima van naselja - 25 (četiri lica povrijeđena),
- na mostu - 12 (bez nastradalih lica),
- u tunelu - dvije nezgode (bez nastradalih lica),
- na putevima koji se ubrajaju u karakteristike ostalih - 1.196 (jedno lice poginulo, 188 lica povrijeđeno).
-

POSLJEDICE SAOBRAĆAJNIH NEZGODA

U periodu januar-mart 2022. godine, u saobraćajnim nezgodama na području Kantona Sarajevo nastradalo je ukupno 245 lica (62 ili 33,9 % više). Jedno lice je poginulo (pet ili 83,3 % manje), dok su 244 lica povrijeđena (67 ili 37,8 % više), od čega 33 teže (osam ili 32 % više) i 211 lakše (59 ili 38,8 % više).

TABELARNI PREGLED NASTRADALIH LICA U SAOBRAĆAJNIM NEZGODAMA PO KATEGORIJU UČESNIKA
JANUAR-MART 2022/2021.GODINA

PERIOD	2022. GODINA			2021. GODINA			UPOREDBA 2022/21. GOD.		
	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno	poginulo	teško povrijeđeno	lakše povrijeđeno
VOZAČI	0	10	116	4	7	82	- 4	+ 3	+ 34
PUTNICI	0	5	71	1	5	43	- 1	----	+ 28
PJEŠACI	1	18	24	1	13	27	----	+ 5	- 3
UKUPNO	1	33	211	6	25	152	- 5	+ 8	+ 59

STEPEN POVREDA UČESNIKA U SAOBRAĆAJNIM NEZGODAMA

- Vozači: 126 vozača povrijeđeno (10 teže i 116 lakše),
- Putnici: 76 putnika povrijeđeno (pet teže i 71 lakše),
- Pješaci: 42 pješaka povrijeđena (18 teže i 24 lakše).

Starosna struktura nastradalih lica u saobraćajnim nezgodama je slijedeća:

- Ispod 6 godina -jedno lice,
- od 6 do 14 godina - 13,
- od 15 do 17 godina - 12,
- od 18 do 20 godina - 14,
- od 21 do 24 godina - 27,
- od 25 do 30 godina - 41,
- od 31 do 40 godina - 50,
- od 41 do 50 godina - 34,
- od 51 do 65 godina - 32,
- 66 i više godina - 17,
- Nepoznata starosna dob - četiri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine - 23 lica,
- od 23 do 30 godina - 28,
- od 30 do 40 godina - 32,
- od 40 do 50 godina - 22,
- od 50 do 60 godina - 12,
- 60 i više godina - sedam,
- Nepoznata starosna dob - dva lica.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 270 (jedno lice poginulo, 77 lica povrijeđeno),
- uticaj alkohola - šest (jedno lice povrijeđeno),
- klizav put- tri (šest lica povrijeđeno),
- odron na putu - jedna saobraćajna nezgoda (bez nastradalih lica),
- ostali uzroci - 1.215 (160 lica povrijeđeno).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, policijski službenici su kontrolisali ukupno 51.917 vozila (6.815 ili 15,1 % više).

Zbog kršenja propisa iz oblasti sigurnosti saobraćaja uručeno je 49.989 prekršajnih naloga vozačima (10.516 ili 26,6 % više), podneseno 746 zahtjeva za pokretanje prekršajnog postupka (174 ili 30,4 % više) i registrovano 30 događaja s obilježjem krivičnog djela zbog ugrožavanja sigurnosti saobraćaja (sedam ili 30,4 % više).

Zbog tehničke neispravnosti, iz saobraćaja je isključeno 166 vozila (66 ili 66 % više), 1.062 vozača su zatečena da upravljaju vozilom pod dejstvom alkohola (689 ili 184,7 % više), 1.576 bez korištenja sigurnosnog pojasa (744 ili 89,4 % više), 362 bez položenog vozačkog ispita (98 ili 21,3 % manje), 192 pod izrečenom zaštitnom mjerom (25 ili 15 % više), 1.009 vozača je zatečeno da koriste mobitel tokom vožnje (131 ili 14,9 % više), a 878 vozila je otkriveno da učestvuju u saobraćaju bez važeće registracije (219 ili 33,2 % više).

Policijski službenici Uprave policije organizovali su akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla i vršenja radnji vozilom u saobraćaju.

U periodu januar-mart 2022. godine, od višestrukih povratnika u vršenju prekršaja iz oblasti ZOOBS-a oduzeta su ukupno 44 motorna vozila:

MIRUJUĆI SAOBRAĆAJ I KONTROLA PJEŠAKA

U periodu januar-mart 2022. godine, pripadnici Uprave policije su uručili 27.022 prekršajnih naloga (7.528 više) vozačima koji nisu poštivali saobraćajne propise prilikom parkiranja, upozorili 685 vozača (45 više), a specijalnim vozilom „pauk“ premjestili su 407 vozila (185 više).

Takođe, pješacima koji su kršili saobraćajne propise uručen je 431 prekršajni nalog (77 više), a upozorena su 62 pješaka (292 manje).

ZAKONITOST U RADU

U periodu januar-mart 2022. godine, registrovana su tri pojedinačna napada (sedam ili 70 % manje) na policijske službenike Uprave policije MUP- Kantona Sarajevo. U napadima su učestvovala tri punoljetna lica koja su koristila fizičku snagu.

Policijski službenici Uprave policije su tokom izvještajnog perioda u osam slučajeva (tri ili 60 % više) opravdano upotrijebili silu:

- Fizičku snagu i sredstva za vezivanje - sedam puta i
- Fizičku snagu - jednom

Tokom prvog tromjesečja 2022. godine, razmatrano je 79 predstavki na rad policijskih službenika. Nakon razmatranih predstavki, Odbor za žalbe građana Skupštine Kantona Sarajevo donio je zaključak da se za 24 predstavke (19 manje) provede unutrašnja istraga, za 54 predstavke je odlučeno da se izvrše provjere i prikupiu dokumentacija, dok se za jednu predstavku Odbor proglasio nenadležnim.

Okončano je 35 unutrašnjih istraga, od čega je 14 neosnovanih, 10 je bilo bez dovoljno dokaza, u osam slučajeva istrage su osnovane, dok su u tri slučaja stranke odustle od žalbe.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog perioda preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Službenici policije su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

U okviru koordinacije Rada policije u zajednici s vladinim i nevladinim organizacijama kao i implementacije javnih kampanja s ciljem podizanja svijesti građana o važnosti jačanja partnerskog odnosa između policije i lokalne zajednice, izdvajamo slijedeće aktivnosti:

- Učestvovanje na konferenciji povodom završetka implementacije programa “Socijalizacija s prvom i prevencija maloljetničke delinkvencije u Federaciji Bosne i Hercegovine”,
- Učestvovanje u Dijalogu mladih i vlasti - u susret strategiji prema mladima,
- Učestvovanje na dvodnevnoj edukaciji iz oblasti znakovnog jezika,
- Učestvovanje na dvodnevnom treningu na temu „Borba protiv trgovine ljudima“,
- Kreiranje edukativne radionice “Borba protiv trgovine ljudima” za učenike srednjih škola,
- Učestvovanje na dvodnevnoj multisektorskoj radionici “Pristup i povjerenje Roma u institucije sigurnosti i pravosuđa u BiH”,
- Nastavljena je realizacija projekta “Program socijalizacije s pravom”,
- Policajci u zajednici Uprave policije MUP-a Kantona Sarajevo su vodili evidenciju za poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici, vršili obilazak i ostavljali kontakt sa žrtvama nasilja kao i sa nasilnikom, da bi osigurali poštivanje izrečenih zaštitnih mjera, veći stepen sigurnosti žrtve kao i preventivno djelovanje na eventualno ponavljanje nasilja,
- Nastavljeni kontakti sa predstavnicima osnovnih i srednjih škola u Kantonu Sarajevo,
- Nastavljeni kontakti sa građanima iz reda romske populacije i migrantima, s ciljem preventivnog djelovanja na pojavu narušavanja javnog reda i mira, prosjačenja i činjenja krivičnih djela, itd.

MIGRANTI

Na osnovu mjesečnih izvještaja Operativnog tima za pitanja migranata, a prema podacima IOM-a (International Organization for Migration) na području Kantona Sarajevo u prihvatnim i imigracionim centrima broj migranata se u 2022. godini kretao od 1.141 koliko je bilo u mjesecu januaru do 964 koliko je evidentirano u mjesecu martu ove godine.

BROJ MIGRANATA KOJI JE BORAVIO NA PODRUČJU KANTONA SARAJEVO U PERIODU JANUAR - MART 2022. GODINE
(SLOBODNA PROCJENA I PODACI IOM-a) PO MJESECIMA

godina/mjesec	januar	februar	mart
2022. godina	1.141	1.167	964
2021. godina	3.983	4.028	2.673
UPOREDBA	+/-	-2.842	-2.861
	%	-71,4%	-71%
			-1.709
			-63,9%

U izvještajnom periodu migranti su učestvovali u 17 događaja sa obilježjem krivičnog djela (12 ili 41,4% manje) i to:

- Lahka tjelesna ozljeda (čl. 173. KZ FBiH) – tri,
- Krađa (čl. 286. KZ FBiH) – dva,
- Krađa u pokušaju (čl. 286. u vezi člana 28. KZ FBiH) – dva,
- Teška krađa (čl. 287. KZ FBiH) – tri,
- Teška krađa u pokušaju (čl. 287. u vezi člana 28. KZ FBiH) – jedan,
- Razbojnička krađa (čl. 288. KZ FBiH) – jedan,
- Razbojništvo (čl. 289. KZ FBiH) – tri,
- Oštećenje tuđe stvari (čl. 293. KZ FBiH-a) – dva događaja.

Službenici policije su u periodu januar – mart 2022. godine kontrolisali 201. migranta, od čega 23 nisu posjedovali registracioni obrazac, 20 je upućeno službi za poslove sa strancima radi registracije, 42 migranata su smještena u imigracione centre i nad pet migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno tri akcije) na području Kantona Sarajevo, u periodu januar - mart 2022. godine, policijski službenici Uprave policije MUP-a Kantona Sarajevo pronašli su ukupno deset migranata koje su predali nadležnoj službi za strance.

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

PERIOD JANUAR - MART 2022. GODINE	KANTON SARAJEVO
UKUPAN BROJ MIGRANATA KOJI TRENUTNO BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	964
UKUPAN BROJ KONTROLISANIH MIGRANATA	201
BROJ MIGRANATA LIŠENIH SLOBODE	12
BROJ KRIVIČNIH DJELA POČINJENIH OD STRANE MIGRANATA	15
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	21
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	3
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	62

Sarajevo, 18.04.2022. godine

Odjeljenje za odnose s javnošću